

浮生夢跡

甲子初夏

浮生夢跡

陳法勳題

浮生夢跡序

余本不敢言詩偶有所觸隨筆錄之忽忽已三十餘年事間亦有友人唱和之作翰墨因緣雪泥鴻爪冠其名曰浮生夢跡客有誚於余曰子以爲夢尙有跡耶蘇子有言自其變者而觀之天地曾不能以一瞬由洪荒以至今日何者不在烏何有之鄉由今日以推將來又何者不在烏何有之數於人事代謝之時而適有我身忽而童齡忽而弱冠忽而中年忽而垂老凡我身之所經過者可泣可歌可驚可喜紛紛擾擾適有此事適然有之適然值之將來必在烏何有

之數即今日又何嘗不是鳥何有之鄉無所謂夢遑
云跡耶余聞之爽然若失深韙其言是以爲記甲子
清和月時年五十九曾憲文序於梅峰停雲詩社

浮生夢跡卷一

鐵嶺曾憲文梅峰甫編

春日詠懷

茶蘼如錦柳如煙寂寞空庭思悄然骨肉一堂團聚
日圖書滿架臥遊天惜花每欲留春住入夢偏宜帶
醉眠伏案自慙還自笑幾枝枯筆聳吟肩

秋夜贈友人某君

惜君不得意我亦誤生平霜落鐘鳴寺雲開月滿城
少貧憐往事才短恥虛聲幸有綈袍在天寒已製成

春日遊山

浮生夢跡
卷一
脉脉春愁百感生
煙慵雲懶故園情
山花迷徑紅成陣
河水圍城綠有聲
人下層峯三月暮
日含殘雨半樓晴
盤桓磴道新泥滑
始信塵間路不平

家居

逃出樊籠外交疏
且閉門常求思
已過不敢簿人言
風雨三椽屋
粉榆五畝園
願將幽隱意
長此告兒孫

秋日感懷

倏忽光陰逝
不回鏡中白髮苦
相催山多無地求
莘野水好何人有釣臺
落葉隨風飄
徑去斷雲帶雨過
墻來庭前松柏青
青在一任冰霜幾度摧

丁未九日與友人登龍山

霜落層巒點綴新座中朋輩弟兄親幾班名士成塵
夢萬古秋山作主人佳節不爭春富貴好花偏愛菊
丰神茫茫滿眼滄桑感誰是紅羊劫外身

紅葉蕭蕭萬樹霜陰晴天氣過重陽秋來頓覺山河
瘦老去翻憎歲月忙四壁松風新酒國半廊花木舊
僧房青錢買醉無賓主引得閒雲笑客狂

秋夜感懷

夕陽雨初霽涼氣透衣襟讀史數行淚憂時一朶心
花多無正色松古有清陰良夜不成寢天空月滿林

龍山夜飲

夜深不歸去酒興更徻狂人坐一山月涼生萬樹霜
木枯忽疑鬼亭小半騎墻燈火數十點城中寒有光
秋日登龍山步振先元韻

拜佛到孤刹西天何處尋山河晚秋日城郭數家碁
對酒有幽意看花多幸心涼風如有約隨我過空林
其二

秋色好無際西風八月天田堆禾稼雨山接市廛煙
小語鶯花事平分翰墨緣清幽與君共逸興自年年
其三

人來在秋後霜葉蘸微紅
爇火煮新笋開窗收遠風
山容帶屢意塔影落晴空
坐久日欲暝天邊數去鴻
其四

與君遊最久清興証前因
臥石衣爲枕摹碑袖拂塵
雲煙一鄉國山水兩詩人
不盡蒼茫感徬狂任此身
其五

磴道盤空上山花引路長
碑陰平有座風力勁牽裳
烟樹幾兵劫華洋一酒場
佛前松不老依舊色青蒼
其六

松風入虛牖兀坐敞幽廊
野水明殘照山嵐接大荒

客來廚有酒佛冷鼎無香醉後歸家路疎林新月光
秋夜銀岡醉後感懷步振先元韻

空餘傲骨自嶙峋架有詩書不碍貧對酒頓知天地
大惜花亦見性情真廿年往事都如夢半局殘棋恥
下人兩鬢欲斑名士淚鏡中不是舊風神

禦寒笑著阮公禪貧不干時亦可尊事業有時同市
僧生平無夢到侯門詩多鬼債情難死人有婆心氣
自溫龍首登高纔幾日蒸魚煮笋佐盤飧

初冬街市早行

朔風吹滿市悄悄早寒增星影疎將落人聲靜不騰

街燈半明滅路雪雜泥冰得此清涼境新詩學杜陵
感懷

七載光陰一擲過青衫紅袖兩銷磨重泉埋骨情難
死惡夢驚人病有魔被酒每教憐我醉捫心常覺負
卿多憑將血淚酬知己綠草平蕪喚奈何

新秋龍山醉後感懷寄振先

辛亥又六月十六日作

四十年光等擲籌且將濁酒滌閒愁幾多壯念成塵
夢漸老知交盡宦游倦鳥高飛難駐足好花半落又
逢秋龍山風景依稀在一任徬狂到白頭

圍城依舊好山河幾度登臨感慨多已去年光隨影

散半衰心血奈時何狂遊且喜身無病積過方知事
有魔正是清秋新霽後拚將一醉補蹉跎

渡清河

計程七十里客意乍離家大漠斷雲亂孤城落照斜
河水寒陷馬風力勁飛沙歧路無人問天昏叫暮鴉

過王蕉園先生墓

墓在龍首山西南坡

寂寞孤坟仍是客荒煙衰草不勝情青山得地常埋
骨白首能詩幸有名夜靜寒鴝啼血淚月明野鬼拜
門生紙錢麥飯無人祭土掩殘碑照晚晴

讀九梅村詩集

羨公風骨自嶙峋
願向煙霞作比隣
敢謂後生能學步
須知前輩有詩人
島郊寒瘦都天籟
李杜憂傷見性真
雪月滿山木滿地
梅花樹樹見精神

龍山晚眺

丁未九月十一日作

幾輩此登臨
滄桑變古今
山河秋氣冷
城郭暮煙深
塔影月中落
雁聲雲外沈
天風沁肌骨
霜葉滿衣襟
俯仰倚孤樹
模糊辨遠岑
文章豪士興
桑梓故園心
磴道盤空下
蒼蒼獨自尋

雪夜銀岡書懷

雪窗夜氣冷
於冰檢點殘書照
一燈小住影同樑
上

燕苦吟人似定中僧感傷老大憐兒女愛惜身名畏
友朋俯仰百年成短夢那堪馬齒日加增

初冬夜渡清河

夜色沈沈黑孤車寒氣增模糊城有影蹭蹬馬知冰
橋斷莫尋路風狂更滅燈榜人真解意隔水喚相鷹
丁未九日登龍山贈高文閣

重陽天氣半晴陰回首鄉關感不禁到眼風霜愁裏
過催人歲月客中深一堂菽水慈親夢兩地雲山落
雁心醉對黃花莫惆悵座中朋輩盡知音

又贈振先

晴光萬里靜塵氛
龍首峰頭酒欲醺
浩劫那堪談往事
一官幸未悵離群
連天雲樹皆秋色
滿眼山河照落曛
舊雨幾人分宦轍
他年此會更思君

龍山醉後吟

放懷今古事
壯念酒杯中
秋冷夜光靜
天高醉眼空
人歸千樹月
雁叫一山風
長嘯乾坤大
何人此境同
丁未元旦

悶對琴書喚奈何
年光似水幾銷磨
樽中好酒迎春早
亂後愚民入盜多
帝國又增新歲月
版圖誰整舊山河
東風不管人間事
強弱存亡一樣過

醉後書懷

碧紗窗外夜沈沈
明月青松有好陰
詩酒未除名士氣
文章時見古人心
撥開雲瘴天光大
閱盡風波海量深
黃土纍纍同一夢
笑他季子擁多金

窮途休作不平鳴
回首年光已半生
事到艱辛須努力
人從脫畧見交情
愛憎每積偏中累
功過難逃局外評
照徧炎涼多少夢
輸他樓角月三更

秋日與振先在明橋晚眺

丁未九月十五日作

流水去潺潺
長橋勢一彎
何年此修建
與子共清閒
落葉半辭樹
寒雲低壓山
晚來天欲雨
時見鳥飛還

惜春

春來春去思無端三月風光尙淺寒歸鳥懶從天外
落好花常在雨前看人尋殘夢醒偏早心到重泉死
亦難蝴蝶羨他無約束時時飛過玉闌干

過小黑山

戊子鄉試九月一日作

地開雄鎮亂峰斜迢遞征途駐晚車風緊吹殘山外
日秋深落盡客中花滿天霜氣涼於雪一市人聲噪
似鴉試上荒墩遠憑望白雲低處是京華

黃石碕道中

庚子避亂閏八月二十日作

回頭去家遠匹馬晚天涼路闢山根仄河流岸底長